



ს ა ქ ა რ თ ვ ე ლ ო

ქალაქ ქუთაისის მუნიციპალიტეტის საკრებულო

გ ა ნ კ ა რ გ უ ლ ე ბ ა

№ 237

ქალაქი ქუთაისი

25

ოქტომბერი

2023 წელი

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის ანგარიში 2022 წლის სექტემბრიდან 2023 წლის ოქტომბრამდე გაწეული მუშაობის შესახებ

საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის მე-3 პუნქტისა და „ქალაქ ქუთაისის მუნიციპალიტეტის საკრებულოს რეგლამენტის დამტკიცების შესახებ“ ქალაქ ქუთაისის მუნიციპალიტეტის საკრებულოს 2014 წლის 14 ივლისის №1 დადგენილების დანართის 26-ე მუხლის მე-2 პუნქტის „ი“ ქვეპუნქტის საფუძველზე:

მუხლი 1. შეფასდეს დამაკმაყოფილებლად ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის ანგარიში 2022 წლის სექტემბრიდან 2023 წლის ოქტომბრამდე გაწეული მუშაობის შესახებ.

(ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის ანგარიში 2022 წლის სექტემბრიდან 2023 წლის ოქტომბრამდე გაწეული მუშაობის შესახებ წინამდებარე განკარგულებას თან ერთვის)

მუხლი 2. განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრამის ქუჩა №11), მისი გაცნობიდან ერთი თვის ვადაში.

მუხლი 3. განკარგულება ძალაში შევიდეს კანონით დადგენილი წესით.

საკრებულოს თავმჯდომარე

ირაკლი შენგელია



თვალთშეწილი
ქ ა ლ ა ქ ქ უ თ ა ი ს ი ს მ უ ნ ი ც ი პ ა ლ ი ტ ე ტ ი ს სა კ რ ე ბ უ ლ ო ს
ან. № 237
26-10-2023

ქალაქ ქუთაისის მუნიციპალიტეტის საკრებულოს კულტურის,
განათლების, ახალგაზრდობის საქმეთა და სპორტის კომისიის
ანგარიში 2022 წლის სექტემბრიდან 2023 წლის ოქტომბრამდე
გაწეული მუშაობის შესახებ

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისია თავის საქმიანობას ახორციელებს საქართველოს ორგანული კანონის „ადგილობრივი თვითმართვებლობის კოდექსი“, ქალაქ ქუთაისის მუნიციპალიტეტის საკრებულოს რეგლამენტის, ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის დებულებისა და სხვა ნორმატიული აქტების შესაბამისად. ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისია შედგება 13 წევრისგან. საანგარიშო პერიოდში ჩატარებული არის კომისიის 11 სხდომა, სადაც განხილულ იქნა 11 საკითხი. კერძოდ:

1. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „სპორტულ დაწესებულებათა გაერთიანების“ 2022 წლის ბიუჯეტით გათვალისწინებული პროგრამების შესრულების თაობაზე რვა თვის მუშაობის ანგარიშის შესახებ;
2. ქალაქ ქუთაისის მუნიციპალიტეტის მერიის პირველადი სტრუქტურული ერთეულის – კულტურის, სპორტის, განათლებისა და ახალგაზრდობის საქმეთა სამსახურის განყოფილებების 2022 წლის ბიუჯეტით გათვალისწინებული პროგრამების შესრულების მიზნით, გაწეული მუშაობის თაობაზე ანგარიშის შესახებ;
3. ქალაქ ქუთაისის მუნიციპალიტეტის მერიის პირველადი სტრუქტურული ერთეულის – კულტურის, სპორტის, განათლებისა და ახალგაზრდობის საქმეთა სამსახურის 2023 წლის ბიუჯეტის პროექტის განხილვის შესახებ;
4. ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის 2023 წლის სამუშაო გეგმა-გრაფიკის დამტკიცების შესახებ;
5. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „კულტურულ, სახელოვნებო, საგანმანათლებლო დაწესებულებათა გაერთიანების“ ანგარიში 2023 წლის ბიუჯეტით გათვალისწინებული პროგრამების შესრულების შესახებ;
6. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „სპორტულ დაწესებულებათა გაერთიანების“ ანგარიში 2023 წლის ბიუჯეტით გათვალისწინებული პროგრამების შესრულების შესახებ;
7. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „ზაგა-ზაღების გაერთიანების“ ანგარიში 2023 წლის ბიუჯეტით გათვალისწინებული პროგრამების შესრულების შესახებ;
8. არასამეწარმეო (არაკომერციული) იურიდიული პირის „იმერეთის დანიშნულების ადგილის მართვის ორგანიზაციის“ საქმიანობის ანგარიშის შესახებ;
9. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „ი.ჭავჭავაძის სახელობის საჯარო ბიბლიოთეკის“ 2023 წლის ბიუჯეტით გათვალისწინებული პროგრამების შესრულების მიზნით გაწეული მუშაობის ანგარიშის შესახებ;



10. ქალაქ ქუთაისის მუნიციპალიტეტის მერიის არასამეწარმეო (არაკომერციული) იურიდიული პირის „ფოლკლორის ცენტრის სიმღერისა და ცეკვის სახელმწიფო აკადემიური ანსამბლის“ 2023 წლის ბიუჯეტით გათვალისწინებული პროგრამების შესრულების მიზნით გაწეული მუშაობის შესახებ;

11. ქალაქ ქუთაისის მუნიციპალიტეტის მერიის პირველადი სტრუქტურული ერთეულის – კულტურის, სპორტის, განათლებისა და ახალგაზრდობის საქმეთა სამსახურის განყოფილებების 2023 წლის ბიუჯეტით გათვალისწინებული პროგრამების შესრულების მიზნით გაწეული მუშაობის თაობაზე ანგარიშის შესახებ.

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისია მონაწილეობდა 2023 წლის ბიუჯეტის ფორმირებაში. კომისია აქტიურადაა ჩართული როგორც კულტურის, განათლების, ახალგაზრდობის საქმეთა და სპორტის მიმართულებით სხდასხვა აქტივობებსა და ღონისძიებებში, ასევე, საზედამხედველო ფუნქციებიდან გამომდინარე, მათ მონიტორინგში. ის მნიშვნელოვანი ფუნდამენტი ჩვენი კომისიის მუშაობისა, რომელსაც ჯერ კიდევ შარშან ჩაეყარა საფუძველი და რომელიც კულტურის განვითარების სტრატეგიას გულისხმობს, აქტუალობასა და მნიშვნელობას სძენს ყველა კულტურული ღონისძიების დაგეგმვის, განხორციელებისა და კონტროლის ეფექტური მექანიზმის ამუშავების პროცესს.

კომისიის ყურადღების არეში მოექცა ადგილობრივი ბიუჯეტით განსაზღვრული კულტურის პროგრამის განხორციელების ხელშეწყობის საკითხები. კულტურის პროგრამიდან წლის განმავლობაში ფინანსური მხარდაჭერა აქვთ არტისტებსა და ქურუმებს, მხატვრებს, ადგილობრივ თეატრებსა და ანსამბლებს. საიუბილეო თარიღებთან დაკავშირებით ქუთაისელი მწერლებისა და პოეტების ნაშრომების გამოცემის ფარგლებში გამოიცა ცირა შალაშვილისა და თეიმურაზ ლანჩავას ერთტომეულები, ასევე, ელისო ქაროსანიძის კრებული. დაფინანსდა რეზო გაბრიადის წიგნის „ჩემი პატარა ქალაქის“ გამოცემა ურთიერთთანამშრომლობის მემორანდუმის ფარგლებში.

ქუჩის მხატვრობის „სტრიტ არტის“ ფარგლებში 2023 წელს მოიხატა 4 ლოკაციაზე 6 კედელი, ხოლო გასულ წელს ჯილდოს სახით გაიცა თანხა ორი გამარჯვებული ესკიზის ავტორზე.

ქალაქ ქუთაისში ქართული ხალხური ფოლკლორული ტრადიციების აღორძინების, ქართული ხალხური ფოლკლორის პროპაგანდისა და განვითარების მიზნით ხანდაზმულთა ფოლკლორული ანსამბლი „ბერმუხა“ დაფინანსდა ყოველთვიური ხელფასით ურთიერთთანამშრომლობის მემორანდუმის ფარგლებში. ქუთაის-განათის ეპარქიას მემორანდუმის საფუძველზე გაეწია მხარდაჭერა კომუნალური, ინფრასტრუქტურული და სხვა საჭიროებების დაფინანსების კუთხით.

თეატრალური კულტურის თვითმყოფადობის შენარჩუნების, თეატრალური ხელოვნების განვითარებისა და ინოვაციური პროექტების განხორციელების ხელშეწყობის მიზნით ქალაქ ქუთაისის ლ.მესხიშვილის სახელობის პროფესიულ სახელმწიფო დრამატულ თეატრს, მ.ბალანჩივაძის სახელობის ოპერისა და ბალეტის პროფესიულ სახელმწიფო თეატრს, ქუთაისის ნიღბებისა და პანტომიმის თეატრს, ი.გოგებაშვილის სახელობის თოჯინების პროფესიულ სახელმწიფო თეატრს გამოეყო თანხა მემორანდუმის ფარგლებში ქალაქ ქუთაისის ადგილობრივი ბიუჯეტის თეატრების ფუნქციონირების მხარდაჭერის ქვეპუნქტიდან.

„ქუთაისქალაქობა 2023-ის“ ფარგლებში გაიმართა სხვადასხვა აქტივობები, კონცერტები, საერთაშორისო ტურისტული ბაზრობა, თანამედროვე ხელოვნების საერთაშორისო ფორუმი „ქარავან არტ ფორუმი ქუთაისი 2023“ მსოფლიოს სხვადასხვა ქვეყნებიდან მოწვეული მხატვრების, ფოტოხელოვანების, ხელოვნებათმცოდნეებისა და კურატორების მონაწილეობით (საქართველო, საფრანგეთი, გერმანია, ბელგია, პოლონეთი, ესტონეთი, ლიტვა, უკრაინა და საბერძნეთი).

ვინაიდან მუნიციპალიტეტისათვის პრიორიტეტია ქალაქ ქუთაისში მცხოვრები მჭიდრო მემკვიდრეობით ადამიანების ხელშეწყობა, მიმდინარე წელს განხორციელდა ფოტოპროექტი „ბოდიფონტი“ დავით კაკაბაძის სწავლით



ხელოვნების გალერეაში; გაიმართა სამი საკონცერტო ღონისძიება, დაფინანსდა ერთი მოკლემეტრაჟიანი და ერთი დოკუმენტური ფილმის გადაღება ურთიერთშეთანხმების მემორანდუმის ფარგლებში, ერთი სატელევიზიო პროექტი, გაიხსნა ქუთაისის სიმღერისა და ცეკვის სახელმწიფო აკადემიური ანსამბლის ვარსკვლავი.

განათლების მიმართულებით ყურადსაღებია განსაკუთრებული წარმატებების მქონე ახალგაზრდების წახალისება სტიპენდიით. 12 სტუდენტს წლის განმავლობაში ყოველთვიურად ერიცხება 300 ლარი. დღემდე განხორციელდა ისეთი ღონისძიებები, როგორცაა კალიგრაფიის კონკურსი; ნუგეშა გაგნიძის საჯარო ლექცია თემაზე „გრძობა რობაქიძის ლირიკა“. ინტელექტუალური კონკურსი ჩატარდა როგორც ბრენ-რინგის, ასევე, ჯეპარდის მიმართულებით. საჯარო სკოლების VIII-IX-X კლასების 120 წარმატებული მოსწავლისთვის მოეწყო საზაფხულო ბანაკი სამ ნაკადად დაბა ბაკურიანში.

აღსანიშნავია ასევე, რომ ქალაქ ქუთაისის უნივერსიტეტების 7 სტუდენტი სწავლას განაგრძობს საზღვარგარეთის უნივერსიტეტებში, რომელთა ტრანსპორტირების დაფინანსება მოხდა ქალაქის ბიუჯეტიდან.

მუნიციპალიტეტისათვის პრიორიტეტია ახალგაზრდების მრავალმხრივი განვითარების ხელშეწყობა, მათი საზოგადოებრივ ცხოვრებაში ინტეგრირება, ახალგაზრდული ინიციატივების მხარდაჭერა, ჯანსაღი ცხოვრების წესის დამკვიდრება. ახალგაზრდული პროგრამის ერთ-ერთ მნიშვნელოვან პრიორიტეტს წარმოადგენს ახალგაზრდული ინიციატივების მხარდაჭერა. ამ მიზნით, ადგილობრივ ბიუჯეტში გამოიყო 130 000 ლარი, რომლის ფარგლებში დაფინანსდა ათი ინიციატივა, მათ შორის: „სოციალური პლატფორმა სტარტაპერებისთვის“; „საზაფხულო კინო სკოლა ქუთაისელი ახალგაზრდებისათვის“; „სამოქალაქო თავდაცვა და სიმულაციური სწავლება“; „ახალგაზრდები მშვიდობიანი თანაცხოვრებისთვის“; „ციფრული კომპეტენციების განვითარება ახალგაზრდებში“; „გასტრონომიული ფესტივალი და ადგილობრივი მუსიკოსების სადამო“; „გააუმჯობესე შენი მომავალი“; „ახალგაზრდების ინფორმირებულობა ჩართულობის გზით“; „შეზღუდული შესაძლებლობის მქონე პირის პერსონალური ასისტენტების მომზადება და სერვისის პილოტირება ქალაქ ქუთაისის მუნიციპალიტეტში“. აღსანიშნავია, რომ ადგილობრივი თვითმმართველობის ბიუჯეტიდან 65 000 ლარით დაფინანსდა ზამთრისა და ზაფხულის ლიდერთა სკოლები, სადაც 14 – 29 წლამდე ასაკის 180-მდე ახალგაზრდამ მიიღო მონაწილეობა.

ტრადიციად იქცა ჩვენს ქალაქში როკ მუსიკის ფესტივალის „როკიას“ ჩატარება, რომელიც ყოველწლიურად უფრო მასშტაბური ხდება. წელს ფესტივალს 10000-მდე მსმენელი დაესწრო. მიმდინარე წელს პირველად, ქალაქ ქუთაისში, ახლად რეაბილიტირებულ ასსაფეხურთან კიბესთან ჩატარდა ქუთაისის ახალგაზრდული ფესტივალი, რომელშიც 120-მდე მოხალისე ახალგაზრდა მონაწილეობდა, ფესტივალში მონაწილეობა სულ 8000-მდე ადამიანმა მიიღო. აღსანიშნავია, რომ ახალგაზრდული პროგრამის ბიუჯეტიდან ხდება საერთაშორისო პროექტებსა და კონფერენციებში ქუთაისელი ახალგაზრდების მონაწილეობის მხარდაჭერა.

სპორტის ქვეპროგრამის მიზანია სპორტის სხვადასხვა სახეობების წახალისება და ჯანსაღი ცხოვრების წესის პოპულარიზაცია. მნიშვნელოვანია, რომ ქუთაისელ წარმატებულ 35 სპორტსმენს წლის განმავლობაში შედეგების მიხედვით ერიცხება ყოველთვიური სტიპენდია 9860 ლარის ოდენობით, ხოლო ოლიმპიურ ჩემპიონს ყოველთვიურად 1500 ლარი, ასევე, ფულადი ჯილდოა დაწესებული საქართველოს, ევროპისა და მსოფლიო ჩემპიონატებზე გამარჯვებული სპორტსმენების, გამარჯვებული ვეტერანი სპორტსმენებისა და მწვრთნელთათვის. აღსანიშნავია, რომ სპორტის ბიუჯეტიდან აქტიურად ხდება შშმ პირთა ტურნირებში მონაწილეობის მხარდაჭერა.

მიმდინარე პერიოდში ჩატარდა რვა საერთაშორისო და ეროვნული ტურნირი, რომელშიც საქართველოს გარდა მონაწილეობენ თურქეთის, სომხეთისა და აზერბაიჯანის გუნდები.

მიმდინარე წელს ქალაქ ქუთაისის მუნიციპალიტეტმა, საქართველოს პარლამენტთან ერთად, გაეროს განვითარების პროგრამის („UNDP“) ფინანსური მხარაჭერით შეიმუშავა სპორტის განვითარების კონცეფცია.



ადგილობრივი თვითმმართველობა უზრუნველყოფს სპორტის იმგვარი პოლიტიკის დაგეგმვასა და განხორციელებას, რომელიც ემსახურება ინკლუზიური ადგილობრივი საზოგადოების გაძლიერებას, მის კეთილდღეობასა და სოციალურ-ეკონომიკურ განვითარებას. კონცეფციის სტრატეგიული პრიორიტეტები და მიზნები განისაზღვრა დაინტერესებულ მხარეებთან გამართული კონსულტაციების, ჩატარებული თვისებრივი და რაოდენობრივი კვლევების, აგრეთვე ქალაქ ქუთაისის მუნიციპალიტეტის ადგილობრივი თვითმმართველობის მონაწილეობით გამართული სამუშაო შეხვედრების შედეგების გათვალისწინებით. ქალაქ ქუთაისის სპორტის პოლიტიკის სხვადასხვა ასპექტის სიღრმისეული ანალიზი, საბაზისო მონაცემები, პოლიტიკის სუსტი და ძლიერი მხარეები, რისკები და შესაძლებლობები, აგრეთვე პოლიტიკის გაუმჯობესების ძირითადი მიმართულებები წარმოდგენილია 2023 წელს მომზადებული კვლევის ანგარიშში „ქუთაისის სპორტის პოლიტიკის ანალიზი“.

როგორც, კულტურის, განათლების, ახალგაზრდულ საქმეთა და სპორტის კომისიის თავმჯდომარეს, ოფიციალური შეხვედრების გარდა, მაქვს აქტიური შეხვედრები მოქალაქეებთან. ხდება მათი პრობლემებისა და ინიციატივების მოსმენა, უფლებამოსილების ფარგლებში ვცდილობ მოვახდინო რეაგირება მერიის სამსახურებთან შუამდგომლობისა და ურთიერთთანამშრომლობის საფუძველზე.

შენიშვნა: წინამდებარე ანგარიში ქალაქ ქუთაისის მუნიციპალიტეტის საკრებულოს 24-ე სხდომაზე, 2023 წლის 25 ოქტომბერს, წარმოდგენილ იქნა ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარის, ბექა ქეზულაძის მიერ.

საკრებულოს თავმჯდომარე

ირაკლი შენგელია

